

蒙化范氏族譜

卷一

蒙化范氏族譜旧序

嘉靖癸卯。元愷举于乡。家君天策公谓曰。吾族忝甲于蒙。然代以武传。多不学。今叨蒙乡举。范氏文学之门。自汝开始。其知所自乎。愷拜曰。大人教育之力也。曰。非也。自我先祖以来。忠厚相承。所积非一日也。被先人之泽。而忘先人之恩可乎。盖人本乎祖。族所自出。惟尊祖敬宗。惟敬宗睦族。苟不明其源之所自。而别其流之所分。则尊卑不知伦。称名不知讳。贫穷不知恤。死丧不知哀。岂先王教民敦睦之意乎。因命元愷修谱牒。粤稽吾族。历汉唐。远不可知矣。迨自

我朝龙兴。始祖公讳成者。直隶合肥人也。乙未年从军。洪武四年升颍川卫百户。后欽取赴京。升天策卫副千户。二十一年屯种蒙化。调后所世袭正千户监筑蒙城。蒙化范氏之祖。伊始于此矣。延及于兹。已衍数叶。苟无谱以纪之。则虽近且不可知。况由此而上焉者乎。既二年。家君正终。恐无以继志述事。仅谱其近。而不谱其远。谱其可知。而不谱其不可知。因欲録梓。以垂诸后焉。

大明嘉靖丁未年冬月吉日

东泉范元愷谨识

重修蒙化范氏族谱序

族谱之所以不可不修者。元愷公归序言之详矣。惜代远年湮。仅存断简残篇抄本一册。其世系只载七代。传闻清道咸间。族先辈亦尝从事续修。已脱稿。适永昌族先达某。致仕归。寄交鑑正。未几而咸丰丁巳兵燹。全稿丧失。族众亦因避难星散。承平归来。休养生聚。至光绪末叶。渐已繁衍。乃有相逢不相识者。是皆无谱以联系之过也。宣统二年秋。卿材族叔殷殷倡以续修。囑德纯与体泉兄为采访。名臣族叔为主笔。奉命之余。竊念我族源远流长。支繁派衍兼

以兵燹频仍。简册残缺。上下数百年。纵横数百里。族人所在皆是。统绪茫茫。何从措手。于是将散居别郡者。暂付缺如。就本县城乡各家先塋。碑铭墓志。访求荒烟蔓草中。阅遍残碑断碣。沐雨栉风。蹒跚经年。复藉各家木主。互证参稽。其间因流溯源。渐覓就緒。采访既竣。而名臣叔。年迈神衰。迟于着笔。卿材叔复命_余与若澄侄。就采访所得。试为编篡。又历一载。粗告成就。适谨斋族兄。致仕归。更得就正。分上下二册。署签曰蒙化范氏谱稿。惟时短于财力。且恐尚有遗漏。未即付梓。至民国四年冬。帝制发生。云南首义。

兴师护国。余与若澄均滥竽军营。随师入蜀。遂搁置

者二十余年。及民国二十五年秋。余以终养回籍。若

澄亦倦游归来。光庭族叔。复以续修议。翻检箱篋

前稿。幸存。惟祇载至十八传止。现有至二十传者共

相磋商。应采访加入。时有构皮园族侄增寿。寻获道

光二十年。十四代祖斌韩公。抄存旧谱。各支祖讳较

为全备。始知前稿果有遗漏。当将遗漏及新采访由

十七传至二十传者。加入另编。历三载始成。是役也。

余亦年衰力弱。全由若澄侄独费心力。改编为四册。

既成。就正于如贞、圣可、亮承、肇岐、诸族兄。源澄、树珊、

克亚、星叔、诸族侄。咸以世变方殷。宜速付梓。以终厥事。溯自清末。创以修谱。以至现在。垂三十九年。稿经三易。凡族人所在。及其先塋。无不有_余等之足迹。有一至二至。或三四至者。其采访之劳瘁。编辑之繁难。可以想见。后之人。当知苦心所在。共相敦睦。有厚望焉。爰将编辑始末。序于篇首。民国三十八年仲春月清明日。十七代孙。范德纯。云。程序于先忧后乐之室。时年七十。

蒙化县范氏族谱凡例

一蒙化范氏族谱。创修于前明六世祖元愷公。迄今数百余年。屡经乱离。篇幅散失。清道光末叶。韶公及守中公。修祠既竟。复集资续修。甫经脱稿。适丁巳之变。又遭秦火。光绪间。朴公欲继先志。从事纂述。然年老力衰。仅成本支世系节略一本。即以疾终。民国三十七年。黄栗村族人坏废屋。得旧抄本一册。纪载至十一世。不著编者名氏。想系乾隆末年之旧稿。兹编系根据上述各本。参以历年调查所得。会萃而成。其年远无知者。不无遗漏。务望族人。随时参补。

一元愷公旧谱。仅载七传。七传以下。即待续修。然代远年湮。旧谱散亡。间有存其抄本者。虫蠹鼠伤。仅篇首数页。及序文可辨。兹仍冠于首。以存古籍。

一别家族谱。往往有列忠义孝友文行节孝等目。不免有浮夸之嫌。且为子孙者。不能评论先人。何者为忠。何者为孝。故本谱不列忠孝等目。如有事绩可传者。即载于世系中本人名下。见仁见智。阅者自得。

一各公事绩。有全璧悉登者。有间收碎玉者。有阙而不登者。非有心去取。盖确有考证者而录之。且采访时。其家庭子孙。未经开报。亦不无有所遗漏。阅者谅之。

一各公名次均照支系递衍而排列之。其有支系失考者。难以相承。则书于每代之末。非敢漫为后先。记之以待参考。

一族支浩繁。字派紊乱。间有祖孙同讳。叔侄同讳。兄弟同讳者。均直书之。不敢追改。其名讳失考者。则书公。不敢追名先代。以待参补。

一历代祖妣墓宅。均详晰记载。以便春秋拜扫。碑铭墓志。列于简末。以期保存古迹。异日碑石磨灭。有所考究。其字迹不明者。则以○代之。

一龙华寺募劬庵。虽是寺观。然皆范氏所建。有祖祠附

屬其中。故將其修建始末情形。附录于报忠祠后。俾后之人得知其梗概。

一祖塋繁多。不及备载。兹仅择尤列载数处。并绘其图形。以见一斑。其零星散处者。均略之。

一祭田。仅以报忠祠所有者列之。以备察考。其余均不及备载。

一本谱初稿。成于民国二、三年。至三十八年。又复修均。力求征实。朴而不华。惟编者学殖浅薄。不敢自信。望阅者有以教焉。

蒙化范氏族譜卷一分目

始祖明威將軍遺像

序一

序二

序三

例言

受姓考

附本族十八代以后字派

大支世系

蒙化范氏族譜目錄

卷一

始祖明威將軍遺像

序文

例言

受姓考

世系

大支世系

卷二

一支世系

三支世系

四支世系

五支世系

六支世系

卷三

塋墓圖

祖塋

報忠祠

附慕劬庵

附尤華寺

報忠祠祭祀儀注

祝文

報忠祠祭田

蕭厅丞分撥三胜約田亩札諭

附清冊

李师长批飭

蒙化县政府訓令

報忠祠祭田表

祠产管理委员会簡章

族規

傳記

卷四

墓志

詩

蒙化范氏族谱卷一

受姓考

高平、高音、尧刘累之后、东周为杜唐氏、周宣王灭杜、杜伯之子、隰叔奔晋为士师、曾孙士会、食采于范、以邑为氏、其后散居江淮间、明初始由合肥迁滇、

附本族十八代以后字派

本族支派繁衍、人数众多、且散居城乡、远近不一、致有讳名重复、参差不一、往昔已然、欲求统一、深感困难、兹拟由十九代起、用忠孝传家远、诗书继世长、十字、按代以一字取名、若恐人多不敷选用、